

დოკ 18/19

ქ. გორი

29 დეკემბერი, 2017 წელი

ერთი მხრივ, სსიპ - გორის სახელმწიფო სასწავლო უნივერსიტეტი (შემდგომში შემსყიდველი) წარმოდგენილი მისი ადმინისტრაციის ხელმძღვანელის გიორგი ხორბალაძის სახით და მეორე მხრივ სს „სილქნეტი“ (შემდგომში მიმწოდებელი) წარმოდგენილი დირექტორის ნუგზარ ჩინჩალაძის სახით სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, ელექტრონული ტენდერის (სატენდერო განცხადების ნომერი (SPA170016193) საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

1. ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შემსყიდველი“ - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელიც ახორციელებს შესყიდვის საგნის მიწოდებას მოცემული ხელშეკრულების ფარგლებში.
- 1.5 „დღე, კვირა, თვე“ - კალენდარული დღე, კვირა, თვე.
- 1.6 „ფორს - მაჟორი“ - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ მიწისძვრა, წყალდიდობა, ხანძარი, ომი, რევოლუცია, აჯანყება, იმპროტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.
- 1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ხელშეკრულების საგანია: სატელეკომუნიკაციო მომსახურებების (CPV: 64200000) შესყიდვა, ამ ხელშეკრულებით გათვალისწინებული ანაზღაურების სანაცვლოდ.
- 2.2 ხელშეკრულებით გათვალისწინებული შესყიდვის ობიექტის აღწერა, ტექნიკური პარამეტრები და ღირებულება მოცემულია დანართ #1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების საგნის საერთო ღირებულება შეადგენს 6370 (ექვსი ათას სამას სამოცდაათი) ლარს.
- 3.2 ხელშეკრულების საგნის საერთო ღირებულება მოიცავს მიმწოდებლის მიერ მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

4. მიღება - ჩაბარება და ანგარიშსწორება

- 4.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 4.2 შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანამხლები დოკუმენტაციის წარდგენა შემსყიდველისათვის (სასაქონლო ზედნადები ან ანგარიშფაქტურა).
- 4.3 მიმწოდებელთან ანგარიშსწორება მოხდება მიღება-ჩაბარების აქტის საფუძველზე, ფაქტიურად გაწეული მომსახურების ღირებულების შესაბამისად.
- 4.4 ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ მიღება-ჩაბარების აქტის გაფორმებიდან და წინამდებარე ხელშეკრულების
- 4.2 მუხლში მითითებული დოკუმენტაციის წარმოდგენიდან 10 (ათი) სამუშაო დღის ვადაში.

5. შესყიდვის ობიექტის მიწოდების ადგილი და ვადა

5.1 მიმწოდებელი შესყიდვის ობიექტის მიწოდებას უზრუნველყოფს 2018 წლის 1 იანვრიდან 2018 წლის 31 დეკემბრის ჩათვლით შემსყიდველის მისამართზე (გორი, ჭავჭავაძის ქ. N53)

5.2 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

6. მხარეთა უფლება-მოვალეობანი

6.1 შემსყიდველი უფლებამოსილია:

6.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში.

6.1.2 აწარმოოს მომსახურების ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

6.2 შემსყიდველი ვალდებულია:

6.2.1 მოახდინოს ანგარიშწორება მიმწოდებელთან წინამდებარე ხელშეკრულების მე-4 მუხლით გათვალისწინებული პირობებით;

6.3 მიმწოდებელი უფლებამოსილია:

6.3.1 მიიღოს გაწეული მომსახურებისათვის ხელშეკრულებით გათვალისწინებული ანაზღაურება;

6.4 მიმწოდებელი ვალდებულია:

6.4.1 მიაწოდოს შემსყიდველს მაღალ დონეზე შესრულებული მომსახურება.

6.4.2 საკუთარი რესურსებით უზრუნველყოს შემსყიდველი ინსპექტირების ჩატარებისთვის აუცილებელი პერსონალით, ტექნიკური საშუალებით და სხვა სამუშაო პირობებით.

7. ხელშეკრულების ინსპექტირების პირობები

7.1 ხელშეკრულებით გათვალისწინებული ვალდებულებების შესრულების ინსპექტირებას განახორციელებს სსიპ-გორის სახელმწიფო სასწავლო უნივერსიტეტის საინფორმაციო ტექნოლოგიების უზრუნველყოფის სამსახურის უფროსი ბეჟნ რომელაშვილი და უფროსი სპეციალისტი - დავით პორუბაი.

7.2 ინსპექტირება გულისხმობს მიმწოდებლის მიერ მისაწოდებელი ან/და მიწოდებული შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენას.

7.3 მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. შემსყიდველის ინიციატივით, ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4 ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. გარანტია

8.1. მიმწოდებელი იძლევა გარანტიას, რომ გაწეული მომსახურების ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს ყველა ნაკლის გამოსწორება.

9. ფორს - მაჟორი

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს - მაჟორით.

9.2 თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. პირგასამტეხლო

10.1 ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ოდენობა გადააჭარბებს ხელშეკრულების საერთო ღირებულების 10%-ს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულებაში ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4 ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა.

12.2. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაწყვეტა

13.1 ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეების უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით ორიგინალის შემდგომში წარმოდგენით.

14.2 შეტყობინება ძალაში შედის ადრესატის მიერ მისი მიღების შემდეგ.

15. გადასახადები და დაბეგვრა

15.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახადების გადახდაზე.

16. ხელშეკრულების მოქმედების ვადა
16.1 ხელშეკრულება ძალაში შედის 2018 წლის 1 იანვრიდან და მოქმედებს 2019 წლის 31 იანვრის ჩათვლით.

17. სხვა პირობები

- 17.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
17.4. ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შესყიდველს.
17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
17.6. მიმწოდებლის მიერ წარმოდგენილი სატენდერო წინადადება დანართებით თან ერთვის ხელშეკრულებას და წარმოადგენს მის განუყოფელ ნაწილს.

18. მხარეთა რეკვიზიტები

„შესყიდველი“

სსიპ - გორის სახელმწიფო სასწავლო უნივერსიტეტი
მისამართი - ქ. გორი, ი. ჭავჭავაძის ქ. #53
ტელ.: (+995 370) 22 94 90
საიდენტიფიკაციო კოდი - 218076542

საბანკო რეკვიზიტები:

სახელმწიფო ბანკი
ბანკის კოდი TRESGE22
ბანკის ერთიანი ანგარიში

ადმინისტრაციის ხელმძღვანელი
გიორგი ხორბალაძე




„მიმწოდებელი“

ს.ს. „სილქნეტი“
მისამართი - ქ. თბილისი, წინამძღვრიშვილის ქ. #95
ტელ: (+995) 32100000 (1710) 570106106
საიდენტიფიკაციო კოდი - 204566978
ელ. მისამართი - mbrelidze@silknet.com

საბანკო რეკვიზიტები:

სს „თიბისი ბანკი“
ბანკის კოდი TBCBGE22
ა/ა GE97TB7404936070100004

კომერციული დირექტორი
ნუგზარ ჩინჩალაძე



- ტენდერით მოთხოვნილი მომსახურება გულისხმობს შემდეგს:

- ა) არსებული სატელეფონო ნომრების შენარჩუნება.
- ბ) საქალაქთაშორისო და მობილურ ოპერატორებთან სატელეფონო მომსახურება წამობრივი დამრგვალებით შემსყიდველის მიერ თითოეულ ნომერზე თვეში დაწესებული ლიმიტების შესაბამისად.
- გ) სატელეფონო ნომრებზე თვეში დაწესებული ლიმიტების ამოწურვის შემდეგ საქალაქთაშორისო და მობილურ ოპერატორებთან საუბრის შეზღუდვა /0-ის შეზღუდვა/.
- დ) სატელეფონო ნომრებზე თვეში დაწესებული ლიმიტების ამოწურვის შემდეგ ლოკალური ზარების განხორციელების შესაძლებლობა.
- ე) ყოველთვიურად წარმოადგინოს გაწეული მომსახურების შესახებ ანგარიში.
- ვ) მოთხოვნის შემთხვევაში კანონით განსაზღვრული ინფორმაციის მიწოდება მომსახურების შესახებ. ასევე შემსყიდველის სატელეფონო ნომრებიდან განხორციელებული, მიღებული და გაცემული ინფორმაცია, რომელიც უნდა ინახებოდეს მიმწოდებლის ბაზაში.
- ზ) დავალიანების შესახებ ინფორმაციის მიწოდება:
 - თ) უფასო სატელეფონო კავშირი გამარჯვებული პრეტენდენტის ფიქსირებული ქსელის და უკაბელო ტელეფონის აბონენტებთან, როგორც ქ. გორში, ასევე რეგიონებში;
 - ი) უშუალო მენეჯერის კონსულტაცია და ტექნიკური სპეციალისტების დახმარება 24-საათიან რეჟიმში, კვირაში 7 დღე.
 - კ) საქართველოს კომუნიკაციების ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირის უზრუნველყოფა.
 - ლ) პრეტენდენტის მიერ საქალაქთაშორისო და მობილურ ოპერატორებთან ზარების განსახორციელებლად შემოთავაზებული უნდა იქნეს კოდი/ინდექსი. შესაბამისად, ტელეფონის ნომრებზე შეზღუდული უნდა იყოს სხვა კოდი/ინდექსით საერთაშორისო ზარების განხორციელება.
 - მ) საქალაქთაშორისო და მობილურ ოპერატორებთან ზარები უნდა განხორციელდეს მხოლოდ 0-ის გამოყენებით.
 - ნ) შემსყიდველის ნომრებზე სხვა კომპანიების დავალიანების არსებობის შემთხვევაში, ტელეფონ(ებ)ზე გამავალი და შემომავალი ზარების შეზღუდვა არ განიხილება.
 - ო) ტელეფონის ნომრებზე შეზღუდული უნდა იყოს საინფორმაციო ზარები (00). აღნიშნული სერვისი ჩართული იქნება ცალკეულ ნომრებზე შემსყიდველის მოთხოვნის შესაბამისად;
 - პ) საჭიროების შემთხვევაში შესაძლებელი უნდა იყოს ახალი ნომრების უსასყიდლოდ გამოყოფა. შესაბამისად მასზე (ახალ გამოყოფილ ნომრებზე) უნდა გავრცელდეს უნივერსიტეტისათვის შემოთავაზებული ფასები.
 - ჟ) გაწეული მომსახურების შემოწმებას და მიღება-ჩაბარებას განახორციელებს შემსყიდველის მხრიდან უფლებამოსილი პირი, რომელსაც ნებისმიერ დროს შეუძლია მომსახურების ხარისხის ინსპექტირება.

შენიშვნა:

საჭიროების შემთხვევაში შესაძლებელი უნდა იყოს სსიპ - გორის სახელმწიფო სასწავლო უნივერსიტეტის კორპუსებში განლაგებული ტელეფონის ნომრების გადატანა სხვა კორპუსებში. აღნიშნული მომსახურება მომწოდებელმა უნდა განახორციელოს უფასოდ შემსყიდველის მოთხოვნის შესაბამისად 5 სამუშაო დღის განმავლობაში;

სატელეკომუნიკაციო მომსახურების ტექნიკური პარამეტრები და ფასების ცხრილი

№	მომსახურების დასახელება	განზომილების ერთეული /მომსახურების გაწევის ვადები-2018 წლის 1 იანვრიდან 31 დეკემბრის ჩათვლით/	მომსახურების დასახელება	სააბონენტო გადასახადი თვეში 1 ნომერზე (ლარი)	სულ სააბონენტო გადასახადი (ლარებში)
1	ყოველთვიური სააბონენტო გადასახადი ფიქსირებულ ტელეფონებზე	თვე	23 ცალი	10	2760
2	ყოველთვიური სააბონენტო გადასახადი უკაბელო ტელეფონებზე (4 ცალი)		4 ცალი	15	720
№	მომსახურების აღწერა	განზომილების ერთეული /მომსახურების გაწევის ვადები-2018 წლის 1 იანვრიდან 31 დეკემბრის ჩათვლით/	წუთების სავარაუდო რაოდენობა	ერთი წუთის ღირებულება (ლარი)	სულ ღირებულება (ლარებში)
1	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) ქსელის შიდა ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო	0	0
2	საქალაქთაშორისო სატელეფონო საუბარი (როგორც ფიქსირებულ ისე უკაბელო ქსელის შიდა ნომრებზე ტელ. ნომრებიდან) შიდა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო	0	0
3	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	500	0,04	20
4	საქალაქთაშორისო სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	500	0,06	30
5	სატელეფონო საუბარი (როგორც ფიქსირებულ ისე უკაბელო ტელ. ნომრებიდან) მობილურ ოპერატორებთან.	წთ.	14200	02	2840
სულ:					6370

„შემსყიდველი“

სსიპ - გორის სახელმწიფო სასწავლო უნივერსიტეტი
ადმინისტრაციის ხელმძღვანელი
გიორგი ხორბალაძე



„მიმწოდებელი“

სს „სილქნეტი“
კომერციული დირექტორი
ნუგზარ ჭინჭალაძე

